



**PORTA-VOZ**  
V GOVERNUNU  
KONSTITUSIONÁL



**KOMUNIKADU  
BA MEDIA**

Loron 8 fulan Marsu tinan 2014  
Dili, Timor-Leste

## **Investimentu ho osan dólar millaun resin, iha Timor-Leste, atu harii fábrica simentu nian ida ho nível internasionál hatudu katak iha sinál atu hala'o lalais diversifikasaun iha ekonomia**

Governu Timor-Leste anunsia konstrusaun fábrica simentu foun nian ida, iha Baucau, nu'udar sidade boot daruak iha Timor-Leste. Hili sidade ida ne'e tanba kualidade no abundánsia fatuk-kalkáriu iha area ne'ebá, tuir estimativa bele hetan rezerva sira ho kuantidade suficiente ba tinan atus ida liu.

Fábrica ne'e sei la hamosu de'it indústrria produsaun simentu nian ba prazu naruk, maibé mós atu hamusu postu servisu no biban foun rihun resin ba empregu iha periferia, inklui indústrria esportasaun ida viável ba merkadu Australia nian.

Hafoin harii hotu tiha, mak unidade ne'e sei prodúz simentu tonelada millaun 1,5 iha tinan ida, ne'ebé mak porsentu 30% rezerva ba merkadu rai-laran nian no restu sei esporta ba merkadu konstrusaun nian, hodi habelar tan, iha Austália Ocidental no Territóriu Norte nian.

Empreza BGC no Swan Energy, ne'ebé ho sede iha Perth, sei hamutuk halo investimentu ida ne'e ho osan dólar liu millaun atus lima, ba harii unidade produtiva ida ne'e nível internasionál nian. Projektu harii unidade produsaun ida ne'e hetan rekoñesimentu hanesan projetu ida hosi projetu hirak seluk ne'ebé avansadu no laós poluente iha mundu.

Konstrusaun ne'e sei hahú iha Janeiru 2015. Sei hamosu postu servisu rihun tolu durante faze konstrusaun nian, no postu servisu rihun ida bainhira produsaun hahú ona, tinan rua tuir mai. Serimónia perfurasaun badahuluk iha fatin ne'e, hala'o iha kuarta-feira, loron 05 fulan Marsu. Ministru Petróliu no Rekursu Minerál, Alfredo Pires, hateten: "Timor-Leste nakloke ba negósiu sira no, hanesan país ida ne'ebé hatudu ona kresimentu PIB porsentu 8% hanesan destinu ida ne'ebé mak seguru no estável ba investimentu internasionál ba prazu naruk. Anunsiu ida ohin nian ne'e, prova katak Planu Estratéjiku Dezenvolvimentu Timor-Leste nian oras ne'e hala'o hela ona, no lori ona diversifikasaun ekonomia nian ba apoiu atu harii empregu no infra-estrutura sira."



**Ágio Pereira**  
+670 7723 0011  
[agio.pereira@cdm.gov.tl](mailto:agio.pereira@cdm.gov.tl)  
[govtlmedia@gmail.com](mailto:govtlmedia@gmail.com)  
[www.timor-leste.gov.tl](http://www.timor-leste.gov.tl)

Timor-Leste haburas ona panorama ida hosi panorama hirak iha mundu ne'ebé favorese liu ba investimentu, ho nível impostu ne'ebé ki'ik liu iha rejiaun. Ho kustu negósiu nian ne'ebé ki'ik no kriaun infra-estrutura hirak ne'ebé esensiál ba desenvolvimento ekonomia nian, mak Timor-Leste hetok dada tan investimentu estranjeiru no desenvolvimento negósiu nian sira. Indústria transformasaun ne'e hatama tiha ona iha Planu Estratégiku Desenvolvimento Nasionál nian, nu'udar indústria ida ne'ebé atu sei desenvolve, hodi hamosu ona iniciativa sira ba investimentu nian, atu nune'e bele dudu ninia desenvolvimento ida lalais liu tan.

Governu Timor-Leste haksolok ho parseiru foun hirak ne'e iha desenvolvimento no hein katak bele mantein relasaun ida buras liu baiha prazu naruk nia laran. **FIN**



**Ágio Pereira**

+670 7723 0011

[agio.pereira@cdm.gov.tl](mailto:agio.pereira@cdm.gov.tl)

[govtlmedia@gmail.com](mailto:govtlmedia@gmail.com)

[www.timor-leste.gov.tl](http://www.timor-leste.gov.tl)